

奉 郵 政 總 局 特 准 掛 號 爲 新 聞 紙 類

中 華 民 國 七 年 五 月 二 十 八 日 出 版

京 兆 公 報

第 四 十 三 期 星 期 二

京兆公報處啓 本報自一月分起凡公署
每日所挂呈批均已全數登載報端如有
查閱批詞者請卽赴本處購查可也

啓者本廠現印有北運河圖紙良工美如欲購
用者祈移駕京兆第一工廠內購取計每副貳
張僅收料價大洋伍角此佈

京兆公立第一工廠謹白

京兆公報第四十二期目錄

命令

大總統令

法規

中央法規

禁止與敵通商條例

公牘

各部院公牘

內務部呈

大總統爲遴員吳劍豐等派充京兆等各選舉區臨時視察員文(附名單)

內務部呈

大總統遵核督辦京畿一帶水災河工善後事宜熊希齡直隸督軍兼省長曹錕京兆尹王達

呈請將義賑各案人員張廣建等及各團體照章請給匾額暨獎品文(附清單)

內務部訓令給予張樹枬王福延三等河工獎章以示獎勵文

教育部咨北京高師本科及專修科學生畢業後亟須服務應預查所轄中學師範各校本年暑假需用教員

若干電部分派文

本公署公牘

目錄

訓令大興縣知事中華匯業銀行已由農商部核准註冊並填發執照令仰轉給具領文

訓令宛平縣知事豫豐興業股份有限公司已由農商部核准註冊並填發執照轉給具領文

訓令大興宛平房山涿縣通縣三河薊縣寶坻香河武清安次永清固安順義密雲懷柔昌平等十七縣知事

催送經濟調查報告書文

訓令京兆財政廳准財政部咨為發行民國七年六厘短期公債暨六厘公債請飭屬廣為勸募令仰遵辦文

訓令京兆財政廳各縣驗契展限一案已咨由財政部核准令仰遵辦文

訓令京兆所屬各駐防嗣後請領俸餉等項應另造預算書一本送署以憑查攷文

指令永清縣知事呈復奉令整頓關於地方款項各節請鑒核文(附原呈及清摺)

指令京兆勸學聯合會呈報組織成立情形附送簡章請備案文(附原呈及簡章)

指令京兆財政廳呈擬各縣契稅比額表請核示文

指令平谷縣知事呈復地方款項收支每月由縣署佈告週知警款收支向係上下月銜接滾計並無收多支

少情事並查明五年警餉支銷實情惟經理處辦理未當應如何懲戒請示遵文(附原呈)

指令通縣知事呈學務委員劉增源捐贊興學附送事實表請給獎文

指令竊縣知事呈送二三月分收解各款數目表文

批張律生等呈為遵諭恭錄營田辦法八條懇請派委辦結文

批香河縣人凌文志呈為堤埝決口未塞田廬迭被水淹請委勘堵禦文

批永清縣人王炳等呈爲再陳劣紳張國翰吞欵請飭撤換文

批通縣人張敏等呈爲沈荃私佔官道堵塞水口再請委勘等情文

批霸縣人朱幼臣等呈爲知事違法處分請令履行原約文

批三河縣人劉海長等呈爲知事顛倒事實故意枉斷再懇查明處治文

批安次縣人武鳳林等呈爲挾嫌誣控無辜被押請提訊文

批寶坻縣人劉伯麟等呈勸學所張萬芳劣跡一案請令催查復文

批朱永志等呈爲選民遺漏太多請補行調查文

批三河縣村正陳光文等呈控米萬祥擾害會事文

批何永謙呈請飭縣速將何慶森侵地伐樹一案公判文

批劉啓呈送安分保結請備案文

批武清縣人曹葆珣等請准修復東新堤一案文

批安次縣人郭爲章呈請取回原呈代表名義文

批武順呈爲被賊搶劫父母被斃等情文

批順義縣人朱林呈爲槍傷二命縣判不追請昭雪文

批示宛平縣第六區區董焦濟亭等呈請分別鑄案仍照舊章納稅等情已令由財政廳核覆礙難照准仰即

轉知各案文

目錄

三

目錄

四

京兆財政廳公牘

京兆財政廳訓令大興宛平房山良鄉涿縣通縣三河薊縣寶坻香河武清安次固安霸縣平谷順義密雲懷柔昌平等十九縣知事嗣後人民完納糧租如有在下忙期間將下忙一併完納者應同時掣給兩忙串票仍收串票費銅元六枚毋庸於上忙串票上註明全年字樣令仰遵辦文

京兆清查官產處公牘

京兆清查官產處訓令十九縣清查官產分處奉財政部令催辦八項旗租留佃事宜令仰遵照文

京兆清查官產處訓令十九縣清查分處本處令飭督催員王誦熙等前往催辦處分旗租等事仰即遵照文

報告

視學員劉繼勳視察三河縣學務報告書(續第四十一期)

視學員張鶴浦視察寶坻縣學務報告書

◎ 命 令 ◎

大總統令 五月十三日

內務總長錢能訓呈山西雁門道道尹單晉齋請予免職另候任用單晉齋著免本職此令

大總統令 五月十三日

調任方貞爲山西雁門道道尹此令

大總統令 五月十三日

任命馬駿爲山西河東道道尹此令

大總統令 五月十三日

司法總長朱深呈甘肅高等審判廳長黃芝瑞擅離任所請予免職黃芝瑞准免本職此令

大總統令 五月十三日

任命邵修文署理甘肅高等審判廳長此令

大總統令 五月十三日

任命徐煥署理總檢察廳檢察官此令

命令

命令

大總統令 五月十七日

特派陳錄兼充外交官領事官資格審查委員會委員長此令

大總統令 五月十七日

派江庸充日本留學生監督此令

大總統令 五月十七日

調任馬鄰翼爲安徽教育廳廳長盧殿虎爲甘肅教育廳廳長此令

大總統令 五月十七日

茲制定禁止與敵通商條例公布之此令(條例載本期法規門)

大總統指令第八百六十四號 五月十四日

令內務總長錢能訓

呈據京兆尹王達呈宛平縣知事湯銘肅緝犯出力請給予一等一級警察獎章由

呈悉如擬給獎此令

▲ 法 規 ▼

● 中央法規 ●

敕令第二十一號

禁止與敵通商條例

第一條 凡中華民國人民及在中國領域內之其他人民除主管部處別有規定外對於左列之國或人概行禁止通商

一 敵國

二 敵國人及敵國法人

三 敵國之同盟國

四 在敵國或其同盟國之占領地居住之人或法人

五 商店公司之全部或一部由敵人管理或其他事務隸屬於敵人勢力之下曾經主管官廳揭示者

前項規定其假手於中間人之通商亦適用之

第二條 前條第一項第二款第五款得依主管部處之指定特別監察之

法規

法規

四

第三條 違反本條例之規定或有預備違反之行為者處五等有期徒刑拘役或千元以下罰金由法院審判

第四條 通商之原因發生於本條例施行前者應自本條例公布一月內呈報主管部處經主管部處許可者不適用本條例之規定

第五條 關於本條例之施行細則由各該主管部處定之

第六條 本條例自公布日施行

● 公 牘 ●

● 各部院公牘 ●

內務部呈

大總統為遴員吳劍豐等派充京兆等各選舉區臨時視察員文 五月十日

為呈請事前據籌備國會事務局依據該局條例呈由本部遴員呈派各省選舉區臨時視察員業經本部遴擬王彭等呈請派充奉天等省選舉區臨時視察員並聲明其餘各省有應行調查情形時再遴安員呈明派充於四月二十三日奉 令照准在案現據該局呈稱京兆等省區具報關於兩院議員選舉事宜次第籌備亟應派員視察請予遴員呈請派充等情前來茲由本部遴擬堪充京兆等省區臨時視察員呈請 指令准於派充以重選政理合開具員名清單謹乞鑒核訓示施行謹呈

謹將擬派京兆等省區臨時視察員繕具名單恭呈鈞鑒

計開

吳劍豐擬派充京兆臨時視察員 王方瀛擬派充直隸臨時視察員 蔣中覺擬派充河南臨時視察員
崔廷獻擬派充山西臨時視察員 蔣邦彥擬派充浙江臨時視察員 蔡國器擬派充江西臨時視察員

內務部呈

大總統遵核督辦京畿一帶水災河工善後事宜熊希齡直隸督軍兼省

長曹錕京兆尹王達呈請將義賑各案人員張廣建等及各團體照章請給匾額暨獎

公牘

品 文 五 月 十 日

爲遵核請獎義賑各案分別擬定仰祈鈞鑒事竊承准國務院先後函奉 大總統發下督辦京畿一帶水災河工善後事宜熊希齡直隸督軍兼省長曹錕京兆尹王達呈請將天津各租界外人救護水災出力人員及捐募賑款慈善團體地方員紳南洋華僑各案應由部核辦等因並附各清單到部查本部呈擬義賑獎勵章程業於四月二十七日奉准通行在案此次奉交各案應即依據該章程之規定分別辦理詳核各該處請獎中外人員及各團體除士甲巫眉華僑劉清美日惹博施會茂物中華會館峇釐中華總商會爪哇廳越埠青年會張家口急賑會浙江杭縣總商會庫倫商會等募款均未滿九千元應查照義賑獎勵章程第十條由外給獎漢口慈善會捐助棉衣小麥等項應由原請人員查明數量估計價值再行核獎外計捐助賑款合於獎勵章程第三條第四條者甘肅省長張廣建等十人經募賑款合於獎勵章程第三條第四條者上海護軍使盧永祥等四人團體捐助及經募合於獎勵章程第五條者巴達維亞中華商會及上海京直奉義賑會等八團體辦賑出力合於獎勵章程第六條者日本水災救濟會各會員及美國駐津總領事官費雷第等七人各該處原請題給匾額事例允符擬請准如所請各給予匾額一方俾昭激勸理合開列清單繕擬匾額分別呈請題給至督辦京畿一帶水災河工善後事宜所請獎給天津基督教水災賑濟會女職員等四人贈品一節應按照獎勵章程第十四條由部各贈以紀念盃一具以示獎勵是否有當伏乞鑒核訓示施行再以上各項匾額係按照褒揚成案由部繕擬撰寫隨文上陳應請飭由秘書廳用印交部頒發合併陳明謹呈 謹將獎勵各人員及各團體繕具清單恭呈鈞覽

計開

一 捐助賑款

甘肅省長張廣建 捐現洋一千元 霸縣紳士都林布 捐京鈔一千元 山東莒縣知事周仁壽
 捐洋一千一百四十元 募捐二千元 香港華商唐麗泉 捐現洋一千元 李頌臣 捐現洋一
 千元 義紳周鴻孫 捐洋一千元 義紳趙鴻藻 捐洋一千元 丁顯氏女士 捐洋一千
 元

以上八人捐款一千元以上核與義賑獎勵章程第四條相符擬請給予救濟為懷匾額字樣

義紳陳敬淵 捐洋一千元
 德淵

以上二人係承先人遺命捐款一千元核與義賑獎勵章程第四條相符擬請給予善承先志匾額字樣

義紳凌敏成 捐洋二千元

以上一員捐款二千元核與義賑獎勵章程第三條相符擬請給予樂善好施匾額字樣

巴達維亞中華商會 捐現洋二千四百五十九元零

湄納多中華商會 捐現洋二千零二十元

以上二團體捐款二千元以上核與義賑獎勵章程第五條相符擬請給予博施濟眾匾額字樣

安班瀾商會 捐現洋一千二百六十元 滿那都華商會 捐現洋一千一百九十元

以上二團體捐款一千元以上核與義賑獎勵章程第五條相符擬請給予惠及窮黎匾額字樣

公牘

一經募賑款

上海護軍使盧永祥會同上海京直奉義賑會 募捐洋五萬元

以上一員募款二萬元以上核與義賑獎勵章程第二條相符惟原請擬額擬按獎勵章程第三條給予
痼瘕在抱匾額字樣

爪哇總領事歐陽祺 募捐一萬三千九百元零

以上一員募款一萬元以上核與義賑獎勵章程第三條相符擬請給予飢溺爲懷匾額字樣

淮北運副王其康 募捐四千三百元捐助二百元以一與五之比例合募款一千元共計募款五千三百
元

江蘇常熟縣知事張鏡寰 募捐三千五百元捐助五百元以一與五之比例合募款二千五百元共計募
款六千元

以上二員募款五千元以上核與義賑獎勵章程第四條相符擬請給予急公好義匾額字樣

上海京直奉義賑會與上海護軍使 募捐五萬圓

以上一團體募款二萬圓以上核與義賑獎勵章程第五條相符擬請給予博施濟衆匾額字樣

泗水商會募捐現洋一萬五千元 大連商會 募捐現洋一萬五千餘圓

以上二團體募款一萬圓以上核與義賑獎勵章程第五條相符擬請給予惠及窮黎匾額字樣

蘇州籌辦京直奉義賑會 募捐洋五千圓

以上一團體募款五千圓核與義賑獎勵章程第五條相符擬請給予博愛謂仁匾額字樣
一辦賑出力

日本水災救護會各會員 美國駐津總領事官費雷第 美國華盛頓紅十字總會總理事長華自
握期 美國災民留養所總理陸軍少將錫克福 總醫官陸軍少將瑞德 管理軍官慕瑞
管理軍官克榮納 副醫官慕瑞爾

以上各洋員均屬異常出力核與義賑獎勵章程第六條相符擬請給予救災卹鄰匾額字樣

內務部訓令給予張樹柎王福延二等河工獎章以示獎勵文 五月七日

查本部召集河務會議前經派張樹柎王福延赴部蒞會茲於五月七日閉會查該蒞會會員關於河務應行
興革事宜悉心討論裨益良多殊堪嘉許應即照河工獎章條例之規定給予三等河工獎章以示獎勵除議
事錄議決錄另行印送外合亟備文給發該會員管回投遞此令

教育部咨北京高師本科及專修科學生畢業後亟須服務應預查所轄中學師範各校

本年暑假需用教員若干電部分派文 五月十一日

為咨行事據北京高等師範學校呈稱竊查本校英語理化兩部第三年級學生及手工圖畫專修科學生均
於本年六月修業期滿即當畢業謹按定章師範生在科畢業者皆須服務六年手工圖畫專修科學業者亦
須服務二年擬援照歷屆成案懇請行知各省長公署及教育廳詳查各該省中學校師範學校本年暑假後

公牘

十

需用某項教員若干限期報部以便量爲分派茲特印送本屆應畢業學生姓名履歷並分列能任科目表六十份伏祈查核施行等情並學生履歷表六十份到部查該校本科及專修科學生畢業後亟須照章服務應請預先查明所轄中學師範等校本年暑假後需用某項教員若干於六月內電部以憑飭校分派擔任以資服務相應檢同該校呈送學生履歷及能任科目表一份咨請貴署查照見復可也此咨

● 本公署公牘 ●

訓令大興縣知事中華匯業銀行已由農商部核准註冊並填發執照令仰轉給具領文

五月九日

前據呈送中華匯業銀行約規等件當經咨呈農商部核辦茲准復稱查該銀行所報約規等項大致尚合應准註冊其間關於董事監察人之任期以及請求召集股東臨時會之股額所請變通之處既據聲明理由暫予照准相應填發執照一紙咨行查照轉給具領等因准此合行令仰該縣查照轉給具領可也此令

訓令宛平縣知事豫豐興業股份有限公司已由農商部核准註冊並填發執照轉給具

領文 五月九日

案查前據該縣呈送豫豐興業股份有限公司章程等件當經咨呈農商部核辦茲准復稱查該公司前經本部批准暫予備案核閱此次所報章程大致尙合應准註冊填發執照一紙請轉給具領惟該公司所營事業尙應酌分先後緩急次第舉行並隨時遵照各項專章呈部核奪相應咨行查照飭遵等因到署合行令仰轉飭遵照此令

訓令大興宛平房山涿縣通縣三河寶坻香河武清安次永清固安順義密雲懷柔昌平
等十七縣知事催送經濟調查報告書文 五月十日

案查本公署前發經濟調查細目令仰該縣切實調查造具精確報告書二份依限送核並經分令飭催在案茲據平谷縣送到前項報告書條分縷晰頗稱詳覈該縣何以逾限已久尚未查報實屬延玩合再令催仰即遵照前令訓令迅速查造尅日送署以憑彙核轉咨毋再稽延切切此令

訓令京兆財政廳准財政部咨為發行民國七年六釐短期公債暨六釐公債請飭屬廣

為勸募令仰遵辦文 五月十二日

案准財政部咨開查本部現為整理中交兩行京鈔歸還政府積欠中國交通兩銀行欠款發行民國七年六釐短期公債四千八百萬元暨民國七年六釐公債四千五百萬元同時搭配發售俾資整理兩行金融維持京鈔價格業經擬具條例提交國務會議議決並於四月二十七日呈奉 大總統批准公布在案現在上項公債定於五月一日起開始募集擬至六月三十日截止收款所有應交債款按照債票額面價格以中交京鈔繳納並無折扣交款時預付四五六三個月利息目前預付利息暨此後償本付息均一律以現金支付除將募集詳細辦法擬具通告知照中交兩行並送登京外各報外素仰台端於歷次公債夙具熱心多方贊助此次公債數目較鉅端軟衆擎方克舉事務希力為提倡並希飭廳及其他各機關廣為勸募俾公債多一分銷路即國庫多清一分積欠人民多增一分貯蓄而中交兩銀行金融又可藉此活動一舉而數善咸備惟

公續

十一

此次募債既係以中交兩行京鈔繳納不折不扣各處中交兩行經售并未給予經手費用所有應募各戶可就近向中交分行直接購買以歸劃一而便進行爲此鈔送呈稿暨公債條例二份咨請貴京兆尹查照辦理至級公誼並附條例二份等因准此合亟檢發條例一份仰該廳通令各機關遵照辦理切切此令

訓令京兆財政廳各縣驗契展限一案已咨由財政部核准令仰遵辦又

五月十二日

案准財政部咨開以准咨據京兆財政廳呈以驗契期限已經屆滿各縣未驗契紙尙難結束擬請鈞署咨商財政部准將驗契期限從寬推展至清查官產完竣之日截止查驗註冊各費仍照前案第四期征收數自理以示軫恤呈請察核並賜指令祇遵等情咨呈察核見復等因前來查京兆驗契係以七年三月底爲限滿之日茲據該廳聲稱災情奇重小民困苦異常所請將驗契期限從寬推展至清查官產完竣之日截止查驗註冊各費仍照前案第四期征收數自理各節應准照辦相應准咨復查照令遵可也等因准此合亟令仰該廳遵照辦理此令

訓令京兆所屬各駐防嗣後請領俸餉等項應另造預算書一本送署以憑查考文

五月十六日

案查所屬各駐防由財政部請領俸餉等項均皆造具預算各書直接呈請核發本公署無案可稽每遇考核細目殊費周折應由本年夏季起除送預算書外另造一本按季首分別呈送以憑備考而昭核實爲此通令各該防一體遵照辦理不得視爲具文切切勿違此令

指令永清縣知事呈復奉令整頓關於地方款項各節請鑒核文

四月三十日

據呈覽摺均悉既據稱該縣地方款項收支尚能照章辦理仰仍督飭該會計經理處力加整頓毋得稍涉浮
衍以期日起有功是爲至要切切摺存此令

附原呈及清摺

呈爲呈覆事案奉鈞署訓令案據視學兼財政員張鶴浦呈送視察該縣地方財政狀況報告書前來據稱
該縣地方款項尙未完全劃交經理處經理亦未撥存指定商號且不寔行榜示經理處支出之款以縣署
批准爲限經理處名義雖云成立經理員尙未實行負責並無一定辦公地點等語查經理處之設立原爲
統一地方財政起見本京兆尹對於此事異常注意該縣所有地方款項何得迄不劃交殊屬有意玩違不
成事體應即申斥除將報告書另單抄發送閱外合亟令仰該縣速於文到之日即將地方款項劃交經理
以符職守一面撥存指定商號按月照章榜示並飭令經理員實行負責擇定一定辦公地點限又五日
將遵辦情形具實呈覆其所有縣署批准支出各款不得超出預算以示限制各等因奉此當經令仰地方
會計經理處據實具復去後茲具該處開據清摺呈覆前來據此查永邑地方款項自會計經理處成立後
即經完全劃歸該處經管並指令慶和永德慶長兩商號收存歷經該處按月造具收支對照及報告表由
知事轉呈鈞署在案關於收支手續亦均係造具三聯單按章辦理至該處原在大寺辦公與勸學所接近
去冬因急辦女校房屋不敷即將該處移至縣署舊勸學所即現稽核學款處以取兩處辦事靈通而女校
亦可早日開學故經理處辦公地點雖係移動於實際上亦無妨碍因該處遷移倉卒未將木牌移下以致
視學員疑爲無辦公地點現知事正在籌集款項擬將稽核學款處房屋通於大堂迤西俾會計經理處不

公牘

十四

牌懸挂於外以昭核實而壯觀瞻以上所陳均係寔在情形惟經理地方款項頭緒繁冗稍一疏忽即易紛歧以後知事對於該處自當加意監督詳慎查核以仰副憲台注重地方財政之至意除指令外合即繕具原呈清摺備文呈請鑒核謹呈

永清縣地方會計經理處謹將京兆張視學兼財政員呈送視察永清縣地方財政狀況報告書撰寔詳細條覆

一永清縣地方會計經理處名雖成立尙未實行負責名牌懸在勸學所所內並無該處辦公地點聞有時在縣署中舊勸學所室內辦公蓋由勸學所書記兼充該處書記時爲支應而已經理員劉葆齡副經理孟緝熙未能負責一節

查本處於民國五年遵章成立向在本縣北門內大寺內辦公去年因組織女學校城內無適當處所大家計議即在大寺內設立女學校是以本處移在縣公署舊勸學所內惟暫時辦公地點俟擇有相當處所再行遷移至經理員等實係輪流到處切寔經理所有收支報告及對照等表均有案卷可稽

一地方款項尙未完全劃交經理處經理並未撥存指定商號一節

查永清縣地方款項業已完全劃交本處經理自成立即指定慶和永德慶長兩商號撥存有每月對照報告表可查

一未見榜示一節

本處已於七年一月實行榜示

指令京兆勸學所聯合會呈報組織成立情形附送簡章請備案文 五月十日
呈及簡章均悉該會聯合勸學員紳交換意見以明發達全區教育良堪嘉許尙其隨時討論俾教育前途得收寔効有厚望焉所請備案之處應即照准簡章存此令

附原呈及簡章

呈爲勸學聯合會組織成立呈請備案事竊以教育事業頭緒紛繁造端宏大非合羣策群力共同討論研究不足以謀統一而促進行况京兆二十縣學務經尹憲竭力提倡已有草偃風行之勢倘由庚等徘徊歧路將蹈盲人瞎馬之譏爰聯合同人組織斯會聯絡感情交換意見凡關於學務計畫一縣行之而有效可公同仿行之關於學務問題一縣疑之而莫決者可公同解決之共謀發達一致進行於學務前途裨益當非淺鮮現擬定簡章票舉會長副會長昌平縣勸學所所長吳由庚富選爲會長京兆視學員張鶴浦劉繼勳當選爲副會長會址現無相當地點暫假京兆教育會爲臨時事務所理合連同簡章呈請尹憲鑒核准予備案是爲公便謹呈

京兆勸學聯合會簡章

- (一)宗旨 本會以聯絡感情交換意見發達全區教育爲宗旨
- (名稱) 本會係由京兆各縣勸學所組織成立故名曰京兆勸學聯合會
- (三)會員 本會以京兆各縣勸學所所長爲會員但京兆視學員及師範中小各校校長贊成本會宗旨者亦得列入

公牘

(四)職員 本會設會長一人副會長二人評議八人幹事八人會長副會長均由會員票舉評議由會員公推幹事由會長指定均以一年為任期但得連舉連任

(五)職務 會長統理全會事務副會長襄理全會事務如開會時會長有故不能出席得由副會長代行職權

評議員評議一切議案

幹事員分任調查交際文牘會計等事皆名譽職但設常川駐京一員酌給津貼

(六)權責 凡本會會員均享有提議及表決權並應負維持會務之責

(七)會期 本會每年開常會一次時期由會長酌定但遇有緊要事件得由會長召集臨時會

(八)經費 本會經費分入會費常年費兩項入會費一元由會員於入會時交納常年費由各縣勸學所分担(每縣十元)

(九)會址 本會暫假京兆教育會為臨時事務所

(十)附則 本簡章如有未盡事宜得隨時修正

指令京兆財政廳呈擬各縣契稅比額表請核示文五月十二日

據呈稱本年契稅比較表擬請改照六年度預算征數均勻支配并請按照田賦攷成以一年收入總數為比較免予月比等情已悉查所擬比額及攷成辦法均尚適宜自可准予照辦惟據稱呈部仍候財政部核令遵照表存此令

指令平谷縣知事呈復地方款項收支每月由縣署佈告週知警款收支向係上下月銜

接滾計並無收多支少情事並查明五年警餉支銷實情惟經理處辦理未當應如何

懲戒請示遵文 五月十二日

據呈已悉該縣地方警款盈餘七百吊既據查明儘數由警餉滾流開支尙無侵蝕情弊應予備案至該處並未遵照原案奉行辦理手續固屬失常惟尙無弊端姑准免予置議仰即督飭新任正副經理員將處事切實整理勿蹈前愆致干詰責切切此令

附原呈

爲呈覆事竊奉鈞署第三六號訓令內開據視學兼視財政員劉繼勳報告該縣地方款項收支每月並不榜示警款經李前知事呈准減成征收原案自六年十月起實行實際自陰歷十月起實行減成征收其間實差一月又半之時間入款較預算多出東錢約七百吊此項盈餘不知作何開銷等語查該縣財政不能公開已起若大風潮何以仍不榜示殊屬不合應令即日榜示其警款盈餘七百吊是否未經報出並應查明呈覆等因奉此遵查平邑地方會計所有收支數日均係照章按月呈報由知事一面轉呈鈞署一面佈告週知既有案卷可稽亦實人人共見至警款盈餘一節經知事令知該處查覆實情並調取歷年警餉收支票據督同查賬員公同核算查得此項警款原案係經李前知事訓令該處飭自陽歷十月減成征收初知事代理任內應當實行之期該處因屆十六期警款適已征收大半中道變更諸多困難實自陰歷十月

公 讀

十七

始行遵辦其差一月又半之時開手續誠有不合惟核計警款開支係按陽歷每月應需寔款開具收據交由警局自向各村征取出入各數尙能相符報告內稱預算應多七百吊不知作何開銷一節係因平邑各村攤交警款歷年辦法均按陰歷結算每三個月爲一期結至六年陰歷九月底爲十六期之終十月初爲十七期之始若照陽歷十月減成計算扣至陰歷十月所收十六期應減未減之款本有七百吊之盈餘詳閱警餉票據向係上月之款開支未盡留待下月再行征收開支寔係嚼接滾計之辦法并無收多支少之情事此查明警款收支之寔在情形也惟該處對於奉令飭遵之案縱有困難情形理應先期請示方是正當辦法乃竟擅自獨斷致敢嫌疑雖查無他項情弊辦理實屬未當應如何懲戒之處理合據實陳明伏候鑒核示遵再查五年警餉收支票據尙有一百五十餘吊未經支銷之款據該處呈稱詳查是年十二月冊報所有警餉均係開支十一十二兩月之款中惟馬巡二名僅列十二月一月之數其十一月應支一百五十四吊實係漏未列冊馬巡田有耿雲貴現尙在所當差儘可傳詢質證等語復經令飭警佐查覆詢據該馬巡聲稱係自五年十一月應募是年實領有兩月之餉并取具切結前來所稱漏未列冊尙覺可信合併聲明謹呈

指令通縣知事呈學務委員劉增源捐貲興學附送事實表請給獎文

五月十四日

呈表均悉該縣學務委員劉增源捐洋壹百元熱心學務殊屬可嘉核與修正捐貲興學褒獎條例第一條第一款相符應准獎給銀色三等褒章以昭激勸獎件隨發仰即轉飭祇領由縣呈覆查核此令表册存

指令霸縣知事呈送二三月分收解各款數目表文

五月十七日

據呈並表均悉查該縣二三月分征收各款并解庫幣別數目既於報告表分項列明嗣後此表無須另報以省手續切切表存此令

批張律生等呈為遵諭恭錄營田辦法八條懇請派委辦結文

五月九日

呈悉查核所擬營田辦法八條於習慣既能維持亦可免生舊佃誤會准此辦理當不難消弭爭端仰候飭發該縣知事并委員會同妥速辦結具報可也此批

批香河縣人凌文志呈為堤埝决口未塞出廬迭被水淹請委勘堵禦文

五月九日

據呈情詞未甚明瞭既無舖保水印又不聲明住址職業貼用印花未便受理仰即依式明白另呈再行核辦此批

批永清縣人王炳等呈為再陳劣紳張國翰吞款請飭撤換文

五月九日

據呈已悉所控該村國民學校校長張國翰侵吞公款等情如果屬實自應准予撤究以維學務仰候令行永清縣查明呈覆以憑核辦此批

批通縣人張敏等呈為沈荃私佔官道堵塞水口再請委勘等情文

五月十一日

呈悉此案業據該縣知事查復沈荃并無侵佔官道且改走新道事越多年自係兩村合意已令轉飭沈荃培

修新道酌留橋梁以通水流而資消洩所請委勘之處著毋庸議仰即知照此批

批霸縣人朱幼臣等呈爲知事違法處分請令履行原約文五月十一日

稟悉操場係屬官產照章本應布告投標惟原佃得有同價優先權前經令行霸縣知事清查官產分處遵照辦理嗣據該分處呈請照營田價格繳價承領指令未准仍飭按照時值估價依法標賣各在案該民等應即回縣照章投標毋庸多瀆此批

批三河縣人劉海長呈爲知事顛倒事實故意枉斷再懇查明處治文五月十一日

據呈已悉此案業據三河縣呈覆內稱此案經縣判決於上年四月九日宣告牌示劉海長不服在京師地方審判廳控告同年十二月十四日經控告審判決駁回在案本年一月據李子亨訴稱劉海長因訴訟住宿等費屢討未給請傳究知事根據地審廳判決理內續審理此次判決業經確定萬無狡賴之餘地等情呈覆到署是此案判決自無不當據呈前情合亟錄批示遵毋庸瑣瀆此批

批安次縣人武鳳林等呈爲挾嫌誣控無辜被押請提訊文五月十一日

據呈挾嫌誣控等情是否屬實爾子等武連科武鳳榮既經安次縣傳押在案仰候令行該縣知事澈查審訊呈復核奪此批

批寶坻縣人劉伯麟等呈勸學所張萬芳劣跡一案請令催查復文五月十三日

據呈已悉查此案業經本公署分別令委該縣知事及劉視學秉公澈查該公民等應靜候呈復到日核辦可

也此批

批朱永志等呈為選民遺漏太多請補行調查文五月十六日

據呈已悉仰候令行宛平縣核辦此批

批三河縣村正陳光文等呈控宋萬祥擾害會事文五月十六日

據呈已悉仰候令行三河縣迅即秉公查辦呈復核奪此批

批何永謙呈請飭縣速將何慶森侵地伐樹一案公判文五月十六日

呈悉案關地畝糾葛既經在縣涉訟自應由縣訊判仰候令行該縣依法辦理迅予判決此批

批劉啓呈送安分保結請備案文五月十六日

據呈警保結均悉准予備案查核結存此批

批武清縣人曹葆珣等請准修復東新隄一案文五月十六日

呈及附圖均悉此案前准熊督辦咨查業經令行永定河防局具復核咨在案既據逕呈熊督辦分呈該河防局仰候熊督辦批示並永定河防局呈復再奪此批圖存

批安次縣人郭為章呈請取消原呈代表名義文五月十六日

據呈已悉此批

批武順呈為被賊搶劫父母被斃等情文五月十六日

公牘

據呈已悉查此案武鳳榮武連科等既經在安次縣收押審訊自有實情前據武鳳林等呈訴到署業經令行該縣知事澈查審訊呈復核奪並令嚴緝此案賊贓務獲懲治在案茲據該民呈訴李秀父女同謀詭計各節如果屬實殊屬非是候令行該知事澈查核辦呈復核奪此批

批順義縣人朱林呈爲鎗傷二命縣判不追請昭雪文五月十六日

據呈已悉查此案業據順義縣呈報到署內稱王金榜年未滿十二歲且與屍者一處玩戲許久始生此險更無殺人之意思應即宣告無罪然朱林二子相繼身死實由王金榜持鎗所致不得無尤着王金榜父母再出資一百元作爲朱文成等喪葬費用其朱林誣告主使教唆各節念係痛子情切從寬免予置議已令雙方具結存案並分報京師高等檢察廳在案是此案既經縣訊雙方具結在案該民何得又生異議據稱各節合亟錄批示遵毋庸再瀆此批

批宛平縣第六區區董焦濟亨等據呈請分別鑛審仍照舊章納稅等情已令由財政廳

核覆礙難照准仰即轉知各密文五月十六日

爲牌示事前據該區董等呈稱披瀝代陳小窰寔在情形懇請主持分別鑛審仍照舊章納稅以恤困難而維貧工等情當經令知財政廳核復在案茲據復稱查此案前據焦濟亨等在本廳呈訴業經批示呈悉查廳前因窰戶賣煤有山秤加斤習慣是以改訂車駝運煤斤數每大車減爲八百斤每駝減爲二百斤每騾馬減爲

一百斤每驢減爲五十斤較之車馱寔在斤數減折甚多即使山秤加斤超過一倍兩數仍可相抵其僅止加三秤或加四五秤者更有盈餘來呈祇於賣煤加斤立論而對於車馱減斤辦法故爲不知殊屬非是至再次等之煤產數本少而門頭溝一帶尤爲罕見來呈謂此等煤窰居於大多數亦與寔際不符總之礦質征稅所定價值係按山價平均計算不能因時價偶有漲落漫予改訂况現定塊煤每千斤價值三元與前定價值二兩毫無區別不過改變貨幣名稱以昭劃一末煤每千斤價值一元四角與前定每千斤價值一元二角相差亦僅二角征稅千分之十五合銀元三厘以千斤之煤增三厘之稅何至碍及人民生計所呈各節顯多欺飾應毋庸議並候令行宛平礦稅局知照此批掛發暨令知宛平礦稅局在案茲奉前因伏查煤價高低時有變動稅率不能隨之轉移前定車馱減斤計算辦法實可補救山秤加斤之困難况舊章高煤市價與現定塊煤市價毫無區別舊章低煤市價與規定末煤市價相差僅止二角征稅千分之十五合銀元三厘不及制錢半文前已批示該董等以千斤之煤增三厘之稅何至碍及人民生計所呈應毋庸議且查各窰戶已有遵照新定市價納稅之處擬請仍照本廳原批辦理以免紛更等情合行牌示該區董等轉知各窰仍照定章辦理此示

● 京兆財政廳公牘 ●

京兆財政廳訓令大興宛平房山良鄉涿縣通縣三河薊縣寶坻香河武清安次固安霸縣平谷順義密雲懷柔昌平等十九縣知事嗣後人民完納糧租如有在上忙期間將

公牘

下忙一併完納者應同時掣給兩忙串票仍收串票費銅元六枚毋庸於上忙串票上註明全年字樣令仰遵照辦文 五月十一日

案據永清縣知事呈稱案查糧租滯納處分簡章糧租每年分兩忙完納上忙有願全完者聽等語茲查永邑民間習慣其完銀無多者多就壹忙全完既省往返之勞又藉省壹忙串票費現在奉頒板串係上下兩忙連同壹聯都印有征收串費字樣如於上忙願完全年者其串費應按壹忙征收銅元三枚抑按兩忙收費陸枚其串票究應一併扯給抑或只於上忙串票上載一全年字樣即予收執只收串票費三枚以示體恤而免爭持現值開征之際呈請核示等情據此查本年征收糧租改用板串原爲京兆各縣人民完納糧租向無準期是以分製上下忙串票俾可劃請界限實行滯納處分惟串票既經劃分應需串票費自當按忙交納以符定章而杜弊混嗣後如有在上忙期間將下忙糧租一併完納者應即同時掣給兩忙串票仍收串票費銅元六枚毋庸於上忙串票上註以全年字樣以昭劃一除指令並分令外合行令仰遵照辦理此令

■京兆清查官產處公牘■

京兆清查官產處訓令十九縣清查官產分處奉財政部令催辦八項旂租留佃事宜令

仰遵照文 五月十七日

案奉財政部令開案查八項旂租留佃一案前由京兆尹咨部將六五交現辦法暫緩變更當經核准展限至麥秋爲度令行該處督飭各分處認真催收逾限仍行遞加以示限制在案查八項旂租留佃爲該處官產收入大宗六五收現辦法原所以資勸導而期踴躍現在既將此項辦法核准展限自必較易辦理轉瞬麥秋將

屆亟應悉心擘畫力促進行合亟令仰該處遵照迅速辦理仍將現辦情形暨各分處報解款項分別具報察核毋稍延緩是爲至要等因奉此除由處呈復并分令外合行令仰遵照尅日將處分八項旂租事宜積極進行務於麥秋期內一律辦竣收款報解毋再延誤致礙考成仍將現辦情形先行具覆以憑查核此令

京兆清查官產處訓令

十九縣清查分處
寶坻縣知事

本處令飭督催員王誦熙等前往催辦處分旂租

等事仰即遵照文

五月十七日

案查各縣處分旂租等事宜前經分令認真辦理在案現在麥秋將屆所有處分旂租及催報黑地諸端均可乘此時機積極進行除令飭督催員王誦熙季龍圖涂熙燮朱仁壽前往催辦外合行令仰遵照認真催辦將所收各款源源報解毋稍延誤此令

◎ 報 告 ◎

視察三河縣學務報告書

(續第四十一期)

視學員 劉繼勳

(四)意見

查該縣學務正在進化時代雖有學校百餘處其中形式精神足稱完備者頗不易得其精神上之弱點在教授法不良課程偏重讀經學生曠課者多而辦學人輕視國民教育好辦高等教育而不求寔是亦其弱點也至形式上之弱點則在教室簡陋教具設備不完學生多不剪髮是猶其末焉者但地方學紳不乏有捐資興學視辦學爲己任者是則可稱之優點計畫(一)高等小學應暫緩推廣查該縣高小學校已有四處每校學生最多不過兩班人數多者四五十人少者十數人考其入學資格類皆私塾學生之年歲稍長者程度不齊強湊成班不得不用複式的教授教授諸多困難成績尤難深造創始之編制即誤將來不易改良此種辦學殊屬不合亟應加以限制暫就以成立者力求整頓務使名寔相符而後可(二)模範學校應力加整頓查該縣模範學校現有六處其中管理教授設備能差強於國民校者殆少應力行整頓以樹完全教育之標準(三)管理教授應力求改良查各校多屬單級的編制而教員中能用單級管教法者寔不多得應擇期繼續開辦單級教授講習會切寔研究教法以期改良(四)教科書宜改用單級課本查各校用書均係商務館本多級用教科書於單級學校殊不適用應逐漸改用單級課本爲宜(五)國民學校應

憲行廢止讀經查各校多有偏重讀經之弊學校私塾不能劃分界限者實有多處亟應裁去讀經一門多添國文鐘點以打斷其傾向舊教育之觀念(六)提倡學生剪髮查各校學生剪髮者寔居少數殆不及十分之一二應勸令一律剪去以正觀瞻(七)國民學校教員應由勸學所選派或有指請者亦須得勸學所之同意以免濫竽(八)提倡學生納費以濟公款之窮查地方公款有限學生無限若酌量地方情形責令學生納費入學則學款當隨學生而增加可任意推廣校數自無學款支絀之虞矣

視察寶坻縣學務報告書

視學員 張鶴浦

學務情形

勸學所 所長張萬芳法政講習所畢業充小學校教員多年得有無試驗檢定文憑富有經驗任事熱心勸學員張丹忱師範及法政學校畢業曾充師範學校學監資格頗合亦能耐勞該所原係勸學員二人自傳勸學員辭職因年荒費絀暫不添設即以該員一人支撐之可謂勤於職務經歲約十餘元

縣立高等小學校 在城內書院舊址教室二座新加修理寬敞明潔雖有柱尙無碍視線操場現尙敷用操具亦有少許惟標本儀器多付缺如理科教授未免困難學生一學年者二十五人爲一級缺席五人二三學年者共三十一人合爲一級缺席六人校長兼教員程懋前清廩生久於學務管教頗能盡心教員彭銓李蔭先均師範畢業彭教員講歷史明季三案之爭事頗繁瑣敘述甚難獨能沿流溯源精擇詳語教者了然於口聽者自能了然於心末於東林黨與非東林黨之得失處亦有斷制李教員蔭先課手工貼附先令

報告

二十七

學生作圖巡視指授教法亦合成績國文圖畫尙有可觀校風平常經費爲地租經紀捐戲捐等歲入約一千四百元歲出約一千六百餘元今因水災各款收入甚難虧累甚鉅

縣立第一國民學校 在城內三星觀教室三間內有神像佔去面積三分之一致成長方形甚不適宜宜令從速遷出操場在院中狹尚平學生三十二人缺席四人單級三組教員劉盛烈師範畢業教法頗佳講授國文預備段就上課發問打轉本課聯絡有致毫不牽強提示段隨問隨解態度活潑機趣橫生惟玩物之玩讀作完音稍差至課習字先示筆順及用筆方法然後各給範字片以便臨摹用法甚善較之令學生自由影摹教員置之不顧者有天淵之別成績平常校風活潑

縣立第二國民學校 在城內觀音庵教室三間光尙足操場在院中稍狹桌椅舊式偶位尙適用學生三十四人缺席二人單級四組教員喻以言單級師範講習所畢業時值國文課程甲乙兩組習字內組授蟹一課丁組授魚一課運用單級法極敏速極精詳復能注意應用一絲不苟音態亦佳洵爲教授得法並備有通知簿以聯絡家庭令級長經理攷勤簿以練習作事能力管理亦屬有方成績頗有可觀校風亦好

縣立第三國民學校 在城內文昌宮教室三間稍暗操場在皂君廟前去校稍遠學生出席二十人教員白元凱因病告假現由焦萬祿庖代焦係師範講習所畢業講國文用單級式教法亦合成績未見校風靜雅時將落日教室已暗課尙未畢於學生目力甚有妨害下午授課時間務宜提前

縣立第四國民學校 在北關藥王廟教室三間有一間前廊尙未推出致室中面積留一隅缺陷光綫亦不足宜一律將前廊推出改疎櫺窗則寬敞明亮矣操場在院中亦宜稍加修理桌椅新式單位合用課程缺

手工學生三十四人缺席一人單級四組教員胡兆祥師範畢業時課國文單級教法運用精熟提示時逐層研詰凡書中應有之義使俱從學生口中說出與繩灌教育自判天淵學生綴文多明順妥貼是絕好成績惟內組題爲○○二人○前○○學生有綴兄弟二人窗前看山（或云看花）者有綴兄弟二人階前拍球者有綴兄弟二人燈前讀書者末較前二條尤勝教員於桌間訂正畢復於板間擇優揭示以資鼓勵並確實其觀念用意甚佳惟揭示時只舉前一條遺却末條是百密或不免一疎也製有教授細目頗見用心校風穩靜亦有精神

查以上四校教法均合書法均用範字片較用影格爲善桌間有符習字時各豎相小木板一方拖範字片以便臨摹設備獨見周到是其特征唯均缺時計致授課時間不能確定第一第四兩校教室均欠整頓是其缺點經費每校歲約百五十元出縣中綫捐填下撥給之

連子營國民學校 在本村海潮庵教室三間一隔面積已狹亦欠清潔復小鍋台急宜折去操場狹尚平桌凳舊式偶位生次不按縱列學生二十八人無缺席者殊堪嘉許單級四組學董郝文理藍國卿尙屬熱心教員王錫符單級講習所學業時講修身學生尙有看國文者教員云修身不同國文各組生均可聽之其不按單級教授可知且用語稍深有非兒童所能了解者成績無可觀校風平經費爲葦玩地租學費等歲約百餘元

王辛莊國民學校 在本村觀音庵教室三間新潔操場磚地不適宜亦欠平設備未全學生十一人缺席二人教員高毓芬講尙明白教法太舊攷問學生答語多含混成績無可觀校風樸陋經費只地租十餘元爲

的款餘則六村公攤約六十餘元未免支絀

西 市 鄆莊國民學校 在雲壽寺係與小口喻王家莊四村合立者教室二間面積稍狹操場在門外狹尙平設備欠完全學生二十人無缺席者學董王保恆王振權尙盡心教員周錚高小二年修業程度太淺教授無方不按階段不知啟發用語亦欠明確學生聽之多不注意好在年力尙富囑其急研究教法或就附近教授素優之學校參觀以謀改良而資進步若令人講習所以資深造尤佳成績無可觀校風欠整齊經費爲地租歲約百二十元

查該校經費不甚充足校北肖后河公坑面積甚廣可興漁利棄置殊爲可惜惟該坑爲附近八莊公有該校爲南四莊公立此外尙有小口莊曹莊韓莊黃莊北四莊若遽提歸該校北四莊必起而爭執若傳集北四莊責其設立學校即將該坑之利南北平分若不立校即將此坑之利滿提歸該校如此則北四莊爲爭此權利起見或增一校亦未可知而該校亦可增加收入賴以維持矣

大口屯模範國民學校 在本鎮廟內教室二間尙寬闊光亦足操場在外院狹尙平設置略備課程缺手工學生四十六人缺席六人單級四組教員王鍾義師範畢業在校十一年素稱盡心迭蒙嘉獎時值課畢考問學生多能回講足見教授切寔成績尙有可觀校風整肅經費歲入約在三百元之譜頗有盈餘擬今年增籌經費添高小班作兩等學校校舍業經落成因年荒款絀現未開辦

口東鎮國民學校 在本村娘娘廟教室三間豁朗但潮濕中間過墻門亦不適宜設備欠完全學生二十人

缺席七人教員李連陞簡易師範畢業視講國文兄弟之愛一課字義剖析甚清文法亦知注意惟提示啟發多不得法如提示生字復參以他字致於生字轉少注意發問時精神未能顧及全班教態亦近鬆懈未及下堂學生隨便出入管理未周學生綴句多欠妥當成績概可想見校風欠整肅足見平日管教訓練未能盡心

齊各莊國民學校 在本村崇興寺教室二大間寬闊新潔光綫頗足設備未全學生七人缺席四人教員李孔澂單級講習所畢業教法尚合提示生字講解頗清惟巡視尚嫌了草學生僅三人所書生字有錯誤者尙未及指出成績幼稚校風平

該校學生太少不能成班察其原因學童以年荒有請停辦之意故開學稍遲學生多有轉入附近私塾者務宜取締私塾嚴令學童廣招學生以免虛糜學款

前張四馬庄國民學校 在本村關帝廟教室三間尙明潔操場在院中輒場不適宜桌凳新式合用學生二十六人缺席三人單級四組學董王文忠教員劉盛勳師範畢業視教國文頗知用單級法提示生字注意筆順講解原文參用啟發均其優點惟詮釋字義有欠精當處成績無可觀校風靜肅經費有現租地六十畝分糧地七頃預計頗爲充裕惟今年水災奇重未免支絀

後張四馬莊國民學校 在本村關帝廟內教室三間光綫頗足桌燈新式單位潔淨整齊操場尙未修理學生二十八人缺席二人單級四組校長李長年頗熱心教員牛文耀師範畢業視教國文極意要好提示生字時於音義上頗有斟酌並將各字徧旁拆開講授剖析入微良工心苦惟學生既分四組爲一組講授時

報告

三十一

他組均無所事事於單級法尚欠研究教室布置極有秩序足見管理有方成績字有可觀校風靜經費爲縣助僧助及四村青苗會攤捐歲約二百元

焦山寺國民學校 在村北寺內視學到校時白教員輔眉因事告假只有學生二人看屋該校形式內容均不合法宜嚴加整頓

黃沙務國民學校 在本村興隆菴教室二間狹而溼光尚可設備未全學生二十四人缺席十人教員李樹椿簡易師範畢業秋假後尙未授課致問學生多欠明瞭演算亦多錯誤善教員以年荒款純薪水無着遂無心教授學董梁藍田亦不負責遂至形神渙散查該校經費地租及鄰村津貼約有四十元之譜其不足之數應責成該村首事人等設法籌措以免學務廢弛亦當責該教員盡心教授以免耽誤學童也

溝頭國民學校 在村南廟內教室二間光尚足但欠清潔操場在院中亦欠掃除桌凳不一律多爲墨汁汚漬學生二十四人只到九人缺席太多教員史振籍單級師範講習所畢業視教國文爲中組講地球一課提示單字尙清楚但此課要旨在證明地圓所繪板圖分寒溫熱三帶與本課無甚關係且帶字均改爲道亦稍差嗣取皮球作寔例指導頗佳乙組習字筆畫多有錯誤者教員置之不顧於單級教法稍疎成績無可觀校風欠整肅

新集鎮模範國民學校 在關帝廟內教室三間寬宏明潔操場亦平坦設備略具桌凳新式單位頗適用學生三十五人缺席十二人校長王陸經營此校歷有年所始終不懈任事熱心教員王榮觀因病告假倩王鳴皋庖代王係中學畢業時課綴文甲組所綴多欠妥當乙組致有不能綴一字者教員於誤者未能就板

間訂正以示標準缺者未能於板間補填以示模範即行下堂恐學生終不知當若何連續也成績平常校風尙好

縣立女子國民學校 在南門內教室三間寬闊光亦足操場平坦桌凳新式單位頗合用學生二十七人缺席六人教員趙李謹榮高小畢業首一時課算術按單級教授巡視訂正敏速周詳對於幼稚生特別注意尤得教育要旨惟再參以實用題當更有興味次時授國文爲雅麗以雞卵餉華盛頓一段故事啓發得法講解極清時刺激學生之愛國心語無泛設並繪有板圖以便直觀教授尤爲特別盡心成績手工特佳且多實用品校風靜穆而有精神

通俗教育講演所 在縣城南街潘文勤祠內所員王墨林毛永芳視學到所二人均未在所詢之據僕役稱二人一下鄉講演一在所逢集期講演是日集期講演已畢聽者一二十人二三十人不定云云

閱報所 附設在講演所內有政府公報京兆公報北京日報益世報大公報公言報數種皆係自他機關借用者閱覽之人無多

學款情形

查該縣學款以地租房租利息學費里中攤助各項雜捐爲大宗其經理方法有由會計處經理者有由各校自行經理者該縣幅員遼闊解領較難會計亦有鞭長莫及之勢然亦當用虛領虛解辦法以昭劃一而便稽核按該縣學款從根本上論頗之頗可擴充（一）縣立國民學校十餘處若改爲區立鎮立挪去該校

報告

經費擴充學校劉視學前已具此計畫嗣因各校反對暫歸緩議(二)銅元一枚半之畝捐春間業經議決因被水亦暫緩實行(三)勸學所前經調查確有公產可以立校之村約有五六十處亦因水災未便積極督催俟遇豐收元氣稍復縣知事施以正當強制之手段以上三項均能辦到該縣學務因大有發展之餘地也即以現在經費調查表計之歲入一萬三千餘元歲出一萬二千餘元尚有盈餘惟連年荒歉民不聊生征收未免困難耳

觀察之所得

(一)學務主管機關及輔助機關 查知事對於學務近知注意敏活之手段亦足以濟之故上半年學務頗見起色茲因水災奇重惟勉強維持目前凡各校呈請停閉者概予批駁而已至整頓擴充之計畫若有不暇及此者勸學所自客歲力加振作積極進行下鄉調查各村公產勸導立校以圖擴充對於教授無法者爲示範教授以資整頓原擬畝捐實行就原有公產各村擴充學校可至五六十處茲因水災遂成畫餅難就財力稍厚各村催促設立而已故暑假後新立學校已經開辦者六處尙未開辦計可設立者尙有五處至教育會學務委員會各輔助機關值此荒年更無能爲役教育股員亦未設

(二)官與紳及紳與紳間之感情 官與現在辦學人員感情頗洽故能協力以謀進行至紳與紳之間現雖無若何衝突之表見於外然意見紛歧暗潮究所不免縣知事或隱爲調和以資利用或明別得失以定主

持相機而行俾不至決裂則幸矣究未能集羣策羣力一致進行以謀地方之公益

(三)地方人民之習慣及經濟之狀況 地方人民素重讀書惟思想稍舊多趨私塾教育於國民教育之本旨多漠視之固由風氣不開亦以鄉間學校向無良好結果以博社會之信仰耳故今年雖水災奇重而私塾之存立者尚多該縣人民經濟素稱饒裕今因連年荒歉十室九空然地土自在也苟遇豐收元氣稍復地方官稍加強制力學校之擴充尚非甚難

意見

(一)評語 教授多能合法教室逐漸改良是其優點設備未全學生減少學董多不負責教員不肯盡心以視查所及其能按時授課者實居少數是其弱點

(二)計畫 該縣年荒款絀自應以維持現狀為要務然其中不無可以擴充可以整頓者亦當斟酌情形擇舉一二示人民以振興學務之熱心不因天災而少阻則風聲所樹隱以維持各校之精神俾不至渙散所關非淺也苟學務主管機關先以災荒而自阻則人人解體恐現狀亦有不能維持者矣為今之計(一)從前查有公產稟明立校各村擇其財力稍厚並未受重災者仍宜設法督催勿任中止(據勸學所云尙有四五處可以增設學校)(二)H需款無幾或並不需款可以整頓者宜切實進行以求進步(甲)縣立第四第一兩校教室均宜修理以為各鄉學校之模範(乙)國民學校多缺時計以致教授多不按鐘點未免延誤課程宜令各校速行添購以便按時授課(丙)人數太少各校(如齊各莊王辛莊等)宜責成學董

報告

三十六

設法添招學生並取締附近私塾(三)該縣私塾甚多改良自爲急務而改良私塾之入手辦法則在傳習塾師該縣春間設有塾師傳習所第一班業經畢業第二班亦已招齊近因水災遂爾中止明年仍宜繼續辦理以作改良私塾之預備(四)組織國民學校聯合會仿照香河縣辦法先由城內各校組織之次推及各鎮鄉隔二三期舉行一次由勸學所召集之指定課程挑選一生登台演講令衆生質問或出算術題令一二生當場演算令衆生評判之以資比較而備觀摩若縣長能間一蒞會尤佳(五)縣知事因事下鄉就便查視一二校善則予以名譽獎勵劣則示以懲戒則精神一振收效自宏(六)劉視學前具計畫五端均關切要雖現因水災多未辦到以後仍宜設法使盡見諸實行

本報價目表 (均照大洋計算)

定價	冊數	
	零售訂	購
一角三	每册	每月四册
角一	半年	二十四册
元六角三	全年	四十八册
元		

郵 費 不 收

● **注 意** ●

如郵匯不通之處無法
寄款者可用郵票作抵
(以三分之郵票爲限)
惟郵票以九折計算

編輯所

京兆尹公署京兆公報處
(電話東局八百四十三號)

發行所

京兆尹公署京兆公報處
(電話東局八百四十三號)

印刷所

京兆公立第一工廠
(電話東局一一八五)

京兆新集利生紡紗廠生大鐵工機器 廠集粹自製顏料廠廣告

伏政思財困難係因工藝不興查市井百貨皆係外洋製造而來我國原料頗稱饒富必使外人運去做來於中之漏卮莫可勝計近數十年來財政益空仰借外債敷衍支持日積月壘前途何堪設想同是國民覆巢難忍籌思至再非興百工大倡實業不足以挽利權而固國基故同志等於數年前調查最優地點之新集創辦利生紡紗廠生大鐵工機器廠近又組織集粹自製顏料廠查此三種實為實業之要素挽利之大宗現已成立數年工藝純熟出品精良正擬大為擴充續招股本另有詳細章程以供索閱又蒙

王大京兆熱心實業飭令所屬各縣竭力提倡廣為招股在案夙仰

同志諸大君子痛念國艱實業關懷請速投資而觀厥成用告報端伏乞

垂鑒